

景岳全書

卷三十四
五十六



景岳全書卷三十四天集

雜證誤

會稽 張介賓 金鑑著

瓊南 雲志高 鼓青氏訂

癲狂痴歎

經義

宣明五氣篇曰邪入於陽則狂邪入於陰則痺搏陽則癲疾搏陰則為瘖

凡氣通天論曰陰不勝其陽則脈流薄疾并乃狂○陽不勝其

陰則五臟氣爭九竅不通

調經論曰血並於陰氣并於陽故為驚狂

金鑑卷三十四天集 癲狂



南京中医药大学图书馆版权所有

通天篇曰太陽之人多陽而少陰必謹調之無脫其陰而瀉其陽陽重脫者易狂陰陽皆脫者暴死不知人也

本神篇曰肝悲哀動中則傷魂魂傷則狂忘不精口肺喜笑無極則傷魄魄傷則狂狂者意不存人

脈解篇曰太陽所謂甚則狂癲疾者陽盡在上而陰氣從下下虛上實故狂癲疾也○陽明所謂病至則欲乘高而歌棄衣而走者陰陽復爭而外并於陽故棄衣而走也

陽明脈解篇帝曰足陽明之脈病甚則棄衣而走登高而歌或至不食數日踰垣上屋所上之處皆非其素所能也病反能者何也岐伯曰四肢者諸陽之本也陽盛則四肢實實則能

登高也熱盛於身故棄衣欲走也陽盛則使人妄言罵詈不避親疎而不欲食故妄走也

病能論帝曰有病怒狂者此病安生岐伯曰生於陽也陽氣者因暴折而難決故善怒也病名曰陽厥帝曰何以知之岐伯曰陽明者常動巨陽少陽不動不動而動大疾此其候也帝曰治之奈何曰奪其食即已夫食入於陰長氣於陽故奪其食即已使之服以生鐵落為飲夫生鐵落者下氣疾也

通評虛實論帝曰癰疾何如岐伯曰脈搏大滑久自已脈小堅急死不治帝曰癰疾之脈虛實何如岐伯曰虛則可治實則死

大奇論曰心脈滿大癰癰筋攣○肝脈小急癰癰筋攣○二陰

邪氣臟腑病形篇曰心脉緩甚爲狂笑微瀼爲癲疾○肺脉急甚爲癲疾○腎脉急甚爲骨癲疾

奇病論帝曰人生而有病癲疾者病名曰何安所得之岐伯曰病名爲胎病此得之在母腹中時其母有所大驚氣上而不

下精氣并居故令子發爲癲疾也

寒熱瘧篇曰暴變癲眩足不任身取天柱

癲狂篇曰癲疾始生先不樂頭重痛視舉目赤甚作極已而煩心候之於顏取手太陽陽明太陰血變而止○癲疾始作先反偃因而脊痛候之足太陽陽明太陰手太陽血變而止○癲疾始作而引口啼呼喘悸者候之手陽明太陽左强者攻



北京中医药大学图书馆版权所有

其右右强者攻其左血變而止○治癲疾者常與之居察其
所當取之處病至視之有過者瀉之置其血於瓠壺之中至
其發時血獨動矣不動灸窮骨二十壯窮骨者骹骨也○骨
癲疾者顙齒諸膺分肉皆滿而骨居汗出煩惋嘔多沫沫氣
下泄不治○筋癲疾者身倦攣急大刺項大經之大杼脈嘔
多沫沫氣不泄者不治○脈癲疾者暴仆四肢之脈皆脹而
縱脈滿盡刺之出血不滿灸之挾項太陽灸帶脈於腰相去
三寸諸分肉本輪嘔多沫沫氣下泄者不治○癲疾者疾發
如狂者死不治○以上俱言癲疾

狂始生先自悲也喜忘苦怒善恐者得之憂飢治之取手太

陰陽明血變而止及取足太陰陽明○狂始發少臥不飢自
高賢也自辯智也自尊貴也善罵詈日夜不休治之取手陽
明太陰太陰舌下少陰視之盛者皆取之不盛釋之也○狂
言驚善笑好歌樂妄行不休者得之大恐治之取手陽明太
陽太陰○狂目妄見耳妄聞善呼者少氣之所生也治之取
手太陽太陰陽明足太陰頭兩顙○狂者多食善見鬼神善
笑而不發於外者得之有所大喜治之取足太陰太陽陽明
後取手太陰太陽陽明○狂而新發未應如此者先取曲泉
左右動脈及盛者見血有頃已不已以法取之灸骨骹三十
壯○以上俱言狂證

長刺節論曰病在諸陽脉且寒且熱諸分且寒且熱名曰狂刺
之虛脉視分盡熱病已止病初發歲一發不治月一發不治
月四五發名曰癲病刺諸分諸脉其無寒者以鍼調之病此
二十難曰重陽者狂重陰者癲脫陽者見鬼脫陰者目青
五十九難曰狂癲之病何以別之然狂疾之始發少臥而不飢
自高賢也白辯智也自倨貴也妄笑好歌樂妄行不休是也
○癲疾始發意不樂僵仆直視其脉三部俱盛是也

論證共二條

癲狂之病病本不同狂病之來狂妄以漸而經久難已癲病之
至忽然僵仆而時作時止狂病常醒多怒而暴癲病常昏多

倦而靜由此觀之則其陰陽寒熱自有水炭之異故難經四

重陽者狂重陰者癲義可知矣後世諸家有謂癲狂之病大

概是熱此則未必然也此其形氣脉氣自亦有據不可不辨察陰陽分而論之

一癲卽癰也觀內經所言癲證甚詳而癰則無辨卽此可知後

世有癲癰風癰風癲等名所指不一則徒滋惑亂不必然也

又如別錄所載五癰曰馬癰牛癰猪癰羊癰雞癰者卽今

之謂羊癲猪癲也此不過因其聲之相似遂立此名可見癲

癰無二而諸家於癲證之外又有癰證誠屬牽強無足憑也

又千金方有風癰驚風食癰及陰癰陽癰之說皆所當辨并列後條

論治共五條

凡狂病多因於火此或以謀爲失志或以思慮鬱結屈無所伸
怒無所洩以致肝胆氣逆木火合邪是誠東方實證也此其
邪乘於心則爲神魂不守邪乘於胃則爲暴橫剛強故治此
者當以治火爲先而或痰或氣察其甚而兼治之○若此因
火邪而無脹閉熱結者但當清火宜抽薪飲黃連解毒湯三
補丸之類主之○若水不制火而兼心腎微虛者宜硃砂安
神丸或服蠶煎二陰煎主之○若陽明火盛者宜白虎湯玉
泉散之類主之○若心脾受熱嘔罵失常而微兼閉結者宜
清心湯涼膈散三黃丸當歸龍薈丸之類主之○若因火致
痰者宜清熱飲抱龍丸生鐵落飲主之甚者宜滾痰丸○若

三焦邪實熱甚者宜大承氣湯下之。○若痰飲壅閉氣道不通者必須先用吐法并當清其飲食此治狂之要也

一癲病多由痰氣凡氣有所逆痰有所滯皆能壅閉經絡格塞心竅故發則旋暈僵仆口眼相引目睛上視手足搐搦腰脊強直食頃乃甦此其候病候已者正由氣之候逆候順也故治此者當察痰察氣因其甚者而先之至若火之有無又當審其脉證而兼爲之治也。○氣滯者宜排氣飲大和中飲四磨飲或牛黃丸蘇合丸集成潤下丸之類主之。○痰盛者宜清膈飲六安煎二陳湯橘皮半夏湯或抱龍丸硃砂滾痰丸之類主之。○兼痰兼火者宜清膈飲硃砂安神丸丹溪潤下

九之類主之。○痰逆氣滯之甚者必用吐法吐後隨證調理。
一癲癇證無火者多若無火邪不得妄用涼藥恐傷脾氣以致
變生他證且復有陰盛陽衰及氣血暴脫而絕無痰火氣逆
等病者則凡四君四物八珍十全大補等湯或乾薑桂附之
類皆所必用不得謂癲癇盡屬實邪而概禁補劑也若虛火
大損氣不歸根而時作時止昏沉難愈者必用紫河車丸方
可奏效。○其有虛中挾實微兼痰火不清而病久不愈者集
駝龍腦安神丸最得其宜隨證增減可爲法也。

一痴狀證凡平素無痰而或以鬱結或以不遂或以思慮或以
疑貳或以驚恐而漸致痴狀言辭顛倒舉動不經或多汗或

善惡其證則千奇萬怪無所不至脉必或弦或數或大或小
變易不常此其逆氣在心故肝胆二經氣有不清而然但察
其形體強壯飲食不減別無虛脫等證則悉宜服蠶煎治之
最穩最妙然此證有可愈者有不可愈者亦在乎胃氣有氣
之強弱待時而復非可急也○凡此諸證若以大驚悸一
時偶傷心胆而致失神昏亂者此當以速扶正氣為主宜七
福飲或大補元煎主之

一 小兒無狂證惟病癲者常有之凡小兒之病有從胎氣而得
者有從生後受驚而得者蓋小兒神氣尚弱驚則肝胆奪氣
而神不守舍舍空則正氣不能主而痰邪足以亂之故凡治

小兒之驚癇必須先審正氣然後察其病邪酌宜治之諸法俱載小兒門所當詳究

述古 共四條

千金方云小兒之癇有三風癇驚癇食癇也○風癇緣衣被汗

出風因入也初時先屈指如數乃作○驚癇起於驚風大啼

乃作○食癇其先不哺乳而變熱後發或先寒後熱者皆食

癇也○又云病先身熱掣縱驚啼叫喚而後發癇脈浮者爲

陽癇病在六腑外在肌肉猶易治也○病先身冷不驚掣不

啼叫而病發時脈沉者爲陰癇病在五臟內在骨髓難治也

陳無擇云夫癇癇病皆由驚動使臟氣不平鬱而生涎閉塞諸

經厥而乃成或在母胎中受驚或幼小感風寒暑濕或飲食不節逆於臟氣而成蓋忤氣得之外驚恐得之內飲食屬不內外三因不同忤氣則一

愚謂此二家之說雖若切當然風寒外感自有表證飲食內傷是有裏證俱未必亂神若此而癰瘤爲病則忽爾昏厥此其病則專在心經以及肝胆二臟又非風寒飲食所能頓病若此者且風癰之義本以木邪所屬爲言亦非外感之謂卽有外感或有飲食亦無非因驚因恐相兼爲病耳若以三因並列之則有未必然也

張子和曰肝屢謀胆屢不決屈無所伸怒無所洩肝木胆火隨

炎入心心火熾亢神不安舍久逆而成癲狂一因也○有思慮過多脾傷失職心之官亦主思甚則火熾心血日涸脾液不行痰迷心竅以致癲狂二因也

丹溪曰大法行痰爲主黃連南星瓜蒌半夏礞石火礞痰分多少而治無不愈有熱者以涼藥清其心有痰者必用吐法吐後用東垣安神丸及平肝之藥青黛柴胡川芎之類

簡易方

一方 治狂邪觸發無時披頭大叫但欲殺人不避水火者用
苦參爲末蜜丸桐子大每服五七十九丸白滾湯或清茶送下

灸法

間使五里

人中用小炷灸之

骨骺二十壯

兩手足大拇指以二指並縛一處灸爪甲角七壯須於肉上

半令其四處着火

癲狂論列方

抽薪飲 新寒三

白虎湯 寒二

四君子湯 補一

清心湯 寒三四

清膈煎 新寒九

大補元煎 新補

排氣飲 新和六

六安煎 新和二

大和中飲 新和七

抱龍丸 小八五

滾痰丸 攻七七

紫河車丸 小百七



南京中医药大学图书馆版权所有